



JP „Vodovod“ d.o.o. Bihać

Ivana Frane Jukića 13, 77000 Bihać, Bosna i Hercegovina
Općinski sud u Bihaću –Matični broj subjekta upisa : 1 – 5083 - 00
Identifikacijski broj: 4263372080006 PDV broj: 263372080006
Web adresa: www.vodovod-bihac.ba e-mail: vodovod@vodovod-bihac.ba
Telefon: +387 37 318-250 / +387 37 318-257 Fax: +387 37 350-614

UPRAVA DRUŠTVA

Broj: 01 – 3660-9/25

Datum: 22.09.2025.godine

Na osnovu člana 18. stav (1), člana 87. stav (2), člana 88. stav (2), Zakona o javnim nabavkama („Sl. glasnik BiH“ broj: 39/14, 59/22 i 50/24) i člana 70. Statuta JP „Vodovod“ d.o.o. Bihać – prečišćeni tekst, („Službeni glasnik Grada Bihaća“, broj 6/22 i 5/24), Uprava JP „Vodovod“ d.o.o. Bihać na sjednici 38/25 održanoj dana 22.09.2025.godine donosi:

ODLUKU

o pokretanju postupka javne nabavke roba – Građevinski materijal

Član 1.

Pokreće se postupak javne nabavke roba – nabavka građevinskog materijala, putem postupka konkurentskog zahtjeva za dostavljanje ponuda, a sa ciljem zaključivanja okvirnog sporazuma.

Član 2.

Predmet nabavke obuhvata građevinski materijal potreban za redovno i interventno održavanje vodovodne i kanalizacione mreže, sanaciju kvarova, rekonstrukciju i manje građevinske radove u okviru djelatnosti Društva.

Član 3.

Procijenjena vrijednost nabavke (bez PDV-a) iznosi 30.000,00 KM (trideset hiljada konvertibilnih maraka) bez PDV-a. Sredstva za realizaciju ove nabavke planirana su u Finansijskom planu poslovanja JP „Vodovod“ d.o.o. Bihać i Planu javnih nabavki za 2025. godinu.

Član 4.

Okvirni sporazum zaključuje se na period od godinu dana (u skladu sa Zakonom o javnim nabavkama BiH), sa ponuđačem koji ispuni uslove definisane u tenderskoj dokumentaciji. Okvirni sporazum će precizno utvrditi uslove, obim, dinamiku i cijene isporuka, dok će se pojedinačne isporuke vršiti putem posebnih ugovora (narudžbenica/ugovora) u skladu sa potrebama Društva.

Član 5.

Javna nabavka će se provesti konkurentskim postupkom, putem e-aukcije u skladu Zakona o javnim nabavkama BiH i podzakonskim i internim aktima. Evidencijski broj nabavke je U-1.

Član 6.

Tenderski dokument sačinjit će Komisija za javne nabavke koja je imenovna Odlukom Uprave JP „Vodovod“ d.o.o. Bihać broj 01-2934-1/24 od 19.07.2024.godine.

Član 7.

Kriterij za dodjelu ugovora je najniža cijena i e - aukcija tehnički ispravne ponude.

Član 8.

Djelokrug rada Komisije za javne nabavke je utvrđen Pravilnikom o uspostavljanju i radu komisije za javne nabavke (Službeni glasnik BiH, broj: 103/2014).

Član 9.

Služba za tehničku pripremu i razvoj zadužuje se da, u saradnji sa Službom za javne nabavke, izradi tehničku dokumentaciju i specifikacije predmeta nabavke, kako bi se osigurala, potpuna jasnoća i preciznost zahtjeva. Izrada tehničke dokumentacije od strane stručne službe je neophodna radi preciznog definisanja potrebnih vrsta i količina građevinskog materijala, što omogućava transparentno provođenje postupka, uporedivost ponuda i racionalno trošenje finansijskih sredstava.

Sastavni dio ove Odluke je specifikacija usluga koje su predmet nabavke, a za Službu tehničke pripreme i razvoja zadužuje se da dostavi istu Službeniku za javne nabavke u roku od 10 dana od dana donošenja ove Odluke.

Član 10.

Odlučeno je da se nabavka provede putem konkurentskog zahtjeva i da se zaključi okvirni sporazum, jer takav način omogućava:

- ekonomičnost i efikasnost u postupku nabavke,
- pravovremenu dostupnost potrebnih količina materijala,
- transparentnost i jednak tretman ponuđača,
- racionalno korištenje finansijskih sredstava.

Ova odluka i okvirni sporazum koji se na osnovu nje zaključi čine sastavni dio dokumentacije o javnoj nabavci i čuvaju se u službenim evidencijama Društva. Zadužuje se Služba za opće i pravne poslove da izradi nacrt Ugovora koji će se zaključiti sa najpovoljnijim ponuđačem, te isti dostavi Komisiji za javne nabavke u roku od 10 dana od dana donošenja ove Odluke.

Član 11.

Oduka stupa na snagu danom donošenja.

Predsjednik Uprave Društva
Šerif Kosatica, dipl.ing.maš.



Dostaviti:

- Komisiji za javne nabavke (Službenik za javne nabavke)
- Služba tehničke pripreme i razvoja;
- Služba za opće i pravne poslove;
- Služba za financije i računovodstvo;
- a/a Uprave;
- a/a Preduzeća.